

Ia e iloa mea o aofia i lau inisiua tau lamatiaga faalenatura



**Natural Hazards
Commission**
Toka Tū Ake

E tele lamatiaga faalenatura e afaina ai si o tatou atunuu. E aogā lou iloa o aofia lau inisiua i le polokalame aoao tau inisiua mo lamatiaga faalenatura, ma malamalama i tulaga e tapulaa ai.

Ua suia le igoa EQC i le NHC Toka Tū Ake

O le aso **1 Iulai 2024** na suia ai le EQC i le Natural Hazards Commission Toka Tū Ake.

Ua iai nei se tulafono faatonutonu fou le Natural Hazards Insurance Act, ma e pulea i lalo o le Tulafono fou lea soo se talosaga fou mo mea na faaleagaina i lamatiaga faalenatura mai le aso 1 Iulai 2024 po o ona tua atu. E ta'ua le inisiua fou o le Natural Hazards Cover (NHCover). E maua le inisiua mo soo se mea na faaleagaina a o le i aulia le aso 1 Iulai 2024 e tusa ai ma le Earthquake Commission Act 1993.

E tai tutusa vaega e aofia i le inisiua i lalo o Tulafono uma e lua, ma e mafai na e faitau i suiga ua faia i le upegatafailagi:

www.naturalhazards.govt.nz

E tele ma eseese lamatiaga faalenatura e mafai na aofia i le inisiua

E aofia i le inisiua mea na faaleagaina o lou fale ma le fanua mai mau lamatiaga faalenatura eseese, e aofia ai mafuie, palapala solo, mauga mu, vai ua pa o le fogaeleele, ma galulolo.

E aofia ai foi i le inisiua lou fanua ua faaleagaina i afā ma lologa (e masani na inisiua fale i pepa faamaonia tau inisiua tumaoti).

E faapena foi na aofia i le inisiua mea na faaleagaina mai se afi na mafua ona o se tasi o lamatiaga faalenatura o ta'ua i luga.

E faaaoga lau tupe o totogi mo le Natural Hazards Insurance e mautinoa ai le maua o le NHCover

A faaleagaina au meatotino i se lamatiaga faalenatura, ona avatu lea e le NHCover le uluai **\$300,000** o le inisiua mo lou fale o inisiua ma e aofia ai ma nisi o vaega o le fogaeleele ma autafa o lou fanua. Matou te faaaoga le faaupuga “home / fale” e tusa ma faamatalaga nei, ae faaaoga le faaupuga “dwelling / apitaga” i lalo o le Tulafono.

E mafai e soo se tasi o iai se pepa faamaonia tau inisiua tumaoti o aogā o aofia ai se inisiua mai se afi na maua le inisiua lea ma o totogi tupe faasaofaga tumaoti. O tulaga masani, mo tagata uma o iai se inisiua tumaoti o aogā mo lona fale po o se fale e faaaoga mo faiga malologa o aofia ai inisiua mai se afi na totogi le Natural Hazards Insurance ma maua le inisiua ua matou saunia.

mō tō rātau kāinga, kāinga hararei rānei kei roto ko te inihua ahi ka utu i te utu Rīanga Pūmate Tūturu, ā, e āhei ana ki tā mātau inihua.

Talanoa i se sui e faia inisiua mo le fia faia o se talosaga

O i latou nei e fai ma o matou sui e suesue ma faafoe talosaga auā le faafaigofieina o le faagasologa e fai ai talosaga mo tagata fai inisiua.

A moomia na fia fai sau talosaga, po o se faafesili e faatatau i lau inisiua (o mea e aofia ma lē aofia i le inisiua), e sili ai lou faafesootai o le sui e faia inisiua.



www.naturalhazards.govt.nz/know-your-cover

Ia e iloa tulaga o aofia i le inisiua

Lou fale – le uluai \$300,000

O tulaga nei e mafai na aofia i le inisiua mo lou fale:

- lou fale poo le fale o loo faaaoga mo faiga malologa
- faasee po o se fale e ese mai le fale tele o faaaoga mo mea fai i aso uma (mo se faataitaiga fale teu meafaigaluega, faletaavale, faapaologa)
- nisi o auaunaga moomia mo lou fale, e pei o le suavai maua, alāvai, paipa mo suavai palapalā, kesi, eletise, mea faamafanafana, po o fesootaiga televavave.

Aofaiga o le tupe e aofia i le inisiua ua matou saunia

A faaleagaina lou fale i se lamatiaga faalenatura, e masani na matou avatu se vaega tupe e tau le aofaiga i le uluai **\$300,000 + GST** mo galuega e toe lipea pe toe suia ai lou fale ma faasee.

E maua atu i lau pepa faamaonia tau inisiua tumaoti se faasiliga i luga atu ma le aofaiga lea.

E lelei le maitau po o lava saofaga o e totogia e inisiua ai lou fale mai le kamupani e faia inisiua mo galuega e toe fau ai lou fale.

Lou fanua – tulaga ese tau inisiua faatapulaaina

Na o Aotearoa Niu Sila ma isi atunuu e maua ai inisiua mo fanua o nofoia e tagata, ua saunia e le Natural Hazards Commission. Na o galuega toe lipea e masani

na aofia i le inisiua lea, ma e lē mafai ona e totogia se isi inisiua e faaopoopo i le inisiua mo lou fanua mai le kamupani o fai ai lau inisiua. Atonu e ofoina atu e tagata e faia inisiua se faaopoopoga e te totogia mo mea o faapipii i fanua e pei o pa puipui simā, auala laupapa ma alavai. Talanoa i le tagata e faia inisiua e iloa ai ituaiga inisiua o maua.

E tapulaa le lautele o le fanua, e mafai na aofia i lau inisiua ua matou saunia:

- fanua e lauiti ifo ma tau le lautele i le **8m** o si'o ai lou fale ma isi fale ma mea o faapipii ai
- fanua i lalo ifo o le auala autu e feoai atu ai i le fale e tau le mamao i le **60m** mai le fale
- nisi o pa puipui simā, auala laupapa ma alavai, ae iai faatulagana e faagata ai.

E faatapulaa foi le telē o lou fanua e inisiua

Na o tulaga o mea e toe lipea e tau i le maualuga e faatapulaa ai o mafai na matou faaaofia i lau inisiua, ma e faalagolago i le tau aogā o lou fanua o inisiua lena ua faaleagaina.

Talu ai ua na o se saofaga, e iai tulaga e lē gafatia ai i lau inisiua ua matou saunia na faatupea atoa galuega e toe lipea ai au meatotino na faaleagaina. E tāua le malamalama i le maualuga ua faatapulaa i ai ma auala e pulea ai tulaga e lamatia ai au meatotino.

E te maua faamatalaga auiliili o inisiua o matou saunia i le upegatafailagi: www.naturalhazards.govt.nz/know-your-cover.

Ua na o se aotelega o tulaga lautele o ta'ua i faamatalaga nei e pei ona faatonuina i lalo o le Natural Hazards Insurance Act. E tumau pea le malosia o le Tulafono na i lo faamatalaga o tusia i le pepa faalauiloa lenei.

E aogā faamatalaga o tusia i le pepa faalauiloa mo tagata e umia fale o totogi se lafoga mo le Natural Hazards Insurance e auala atu i se kamupani tumaoti e faia inisiua ma o se tasi o matou sui faapaaga fai inisiua. E ono ese faamatalaga auiliili e maua ai po o le faia ai o se talosaga mo se NHCover mo tagata o fai sa'o inisiua ma le Direct NHCover po o ē o faagaioia se inisiua ma se kamupani tumaoti e faia inisiua e lē o se tasi o matou sui faapaaga. Mo nisi faamatalaga tagai i le www.naturalhazards.govt.nz/insurance-and-claims/

Faamatalaina o le Natural Hazards Commission Toka Tū Ake

O le Natural Hazards Commission Toka Tū Ake o le polokalame fai inisiua ua saunia i Aotearoa Niu Sila mo lamatiaga faalenatura mo vaitaimi ua faaleagaina ai lou fale i mala faalenatura.

Na muai faavae le polokalame i le 1945 e mafai ai e Tagatanuu Niu Sila uma na maua inisiua mo lamatiaga faalenatura.

Talu mai le 80 tausaga, e iai suiga tetele ua matou faia ae tumau pea le lagolagoina o faiga e tuutiitia ai faaletonu mai lamatiaga faalenatura ua aafia ai tagata, meatotino ma tagata lautele e auala atu i le:

1. puleaina o le polokalame tau inisiua mo lamatiaga faalenatura
2. faafaigaluegaina o le tamaoiga i aoaoga tau suesuega ma aoaoga e faatupu ai le talitonuga faatumauiina o tagata
3. fesoasoani e atiae le nofo tapenapena o Niu Sila mo mala faalenatura, ma e mafai ona matou fesoasoani atu.

Faafesootai mai

E mafai na e imeli mai i le info@naturalhazards.govt.nz

E mafai na e tusi mai i le **NHC Toka Tū Ake, PO Box 311, Wellington 6140**

E mafai foi na e valaau mai i le **0800 DAMAGE (0800 326 243)**

Afai e le o lau gagana tautala le Gagana Peretania, e mafai ona e talosaga mo se faamatalaupu, e aunoa ma se tupe e totogi.

Afai e te Logonoa, faaletonu le faalogo, logonoa toe tutuli, faaletonu le tautala po o le faigata na tautala, e maua le fesoasoani mai le New Zealand Relay Service. www.nzrelay.co.nz

